

**«Алтын сақа» бөбекжай-балабақшасы мемлекеттік
коммуналдық қазыналық кәсіпорыны**

Қамқоршылық кеңес

**«Алтын сақа» бөбекжай-бақшасы мемлекеттік коммуналдық
қазыналық кәсіпорынның мекемесі меңгерушісінің**

БҰЙРЫҒЫ №

04.06.2021ж

«Қамқоршылық кеңес құрамын бекіту туралы»

Қазақстан Республикасы Білім және ғылым министрінің 2017 жылғы 27 шілдедегі №355 «Білім беру ұйымдарында қамқоршылық кеңестің жұмысын ұйымдастыру және оны сайлау тәртібінің үлгілік қағидаларын бекіту туралы» бұйрығының 6 бабына сәйкес

БҰЙЫРАМЫН:

Қамқоршылық кеңесі құрамы төмендегідей бекітілсін:

1. Усеб Рысбек - қамқоршылық кеңес төрағасы, зейнеткер
2. Щербакова Мейрамкул - қамқоршылық кеңес мүшесі, зейнеткер
3. Шырынова Несіпкүл - қамқоршылық кеңес төрағасы, зейнеткер
4. Бекенов Бауыржан - қамқоршылық кеңес мүшесі, жеке кәсіпкер
5. Тамабаева Хатира - қамқоршылық кеңес мүшесі, зейнеткер
6. Байболатова Бақтыгул - қамқоршылық кеңес мүшесі, әлеуметтік қызметкер
7. Алибаев Нурмахан - қамқоршылық кеңес мүшесі, жеке кәсіпкер
8. Қаратаев Ернар - қамқоршылық кеңес мүшесі, Алтынтөбе ауылы әкімі аппаратының заңгері
9. Бөлекбаев Бауыржан - қамқоршылық кеңес мүшесі, жеке кәсіпкер

2. Осы бұйрықтың орындалу жауапкершілігі әдіскер д.Омиралиеваға жүктелсін.

3. Осы бұйрықтың орындалуына бақылау мен басшылықты өзіме қалдырамын.

«Алтын сақа» б/б меңгерушісі:



Р.Қаламбаева

Бекітемін
«Алтын сақа» бөбекжай балабақшасының
менгерушісі: 
Р.С.Қаламбаева



«Алтын сақа» балабақшасы МКҚК Қамқоршылық кеңесі қызметінің 2021/2022 оқу жылына арналған
ЖОСПАРЫ

№ р/с	Жұмыстың мазмұны	мерзімдері	жауапты
1	1. Қазақстан Республикасы білім және ғылым министрінің 2017 жылғы 27 шілдедегі №355 «Білім беру ұйымдарында қамқоршылық кеңестің жұмысын ұйымдастыру және сайлау тәртібінің үлгілік қағидаларын бекіту туралы» бұйрығында көрсетілген талаптарға сәйкес балабақша жанынан қамқоршылық кеңесін құру, Ережесімен танысу. 2. Қамқоршылық кеңестің төрағасын сайлау. 3. Қамқоршылық кеңестің құрамын бекіту. 4. 2021/2022 оқу жылына қамқоршылық кеңестің жұмыс жоспарын талқылау	Маусым 2021 ж.	Менгеруші Қамқоршылық кеңестің төрағасы
2	1. Мектепке дейінгі ұйымдардағы мемлекеттік қызмет көрсету сапасын бақылау /балаларды балабақшаға қабылдау тәртібі/ 2. 2021-2022 оқу жылына арналған балабақшаның жұмыс жоспарының жобасымен, қойылатын мақсат, міндеттерімен таныстыру.	Тамыз 2021	Менгеруші Қамқоршылық кеңестің төрағасы
3	1. Балабақшада балалардың тамақтануын ұйымдастыру сапасын бақылау. 2. Балабақшада жүргізілетін науқастанудың алдын алу және сауықтыру шаралары бойынша жұмыстармен танысу.	қаңтар 2022	Қамқоршылық кеңестің төрағасы, ҚК мүшелері
4	1. Бала құқығының қорғалу жағдайы бойынша атқарылып жатқан жұмыстарымен танысу. 2. Балабақшадағы түзете-дамыту жұмыстарының барысымен таныстыру	Ақпан 2022	Әдіскер Психолог
5	1. Жазғы сауықтыру мезгіліндегі шынықтыру шараларымен таныстыру. 2. Жазғы сауықтыру мезгіліндегі іс-шараларды бірлесе өткізуді жоспарлау 3. Қамқоршылық кеңесінің атқарған жұмыстары жайлы есебі.	Мамыр 2022	Әдіскер Қамқоршылық кеңестің төрағасы

**«Алтын сақа» бөбекжай балабақшасы МКҚК қамқоршылық кеңесі отырысының
№1 хаттамасы**

Өткізілген күні: 11.06.2021 жыл

Қатысқандар: Балабақша меңгерушісі, балабақша әдіскері, қамқоршылық кеңесінің мүшелері: Тамабаева Х, Шербакова М, Усеб Р, Бекенов Б, Байболатова Б, Алибаев Н, Қаратаев Е, Бөлекбаев Б, Шырынова Н.

Күн тәртібі:

1. Қазақстан Республикасы білім және ғылым министрінің 2017 жылғы 27 шілдедегі №355 «Білім беру ұйымдарында қамқоршылық кеңестің жұмысын ұйымдастыру және сайлау тәртібінің үлгілік қағидаларын бекіту туралы» бұйрығында көрсетілген талаптарға сәйкес балабақша жанынан қамқоршылық кеңесін құру, Ережесімен танысу.
2. Қамқоршылық кеңесінің төрағасын, хатшысын сайлау.
3. Қамқоршылық кеңестің құрамын бекіту.
4. Қамқоршылық кеңесінің жұмыс жоспарын бекіту.

Күн тәртібіндегі бірінші мәселе бойынша, балабақша меңгерушісі Р.Қаламбаева балабақшада ұйымдастырылып жатқан Қамқоршылық кеңесінің жұмыс мазмұнымен таныстырды. Қамқоршылық кеңесінің жұмысы ҚР Білім және ғылым министрінің 2017 жылғы 27 шілдедегі №355 бұйрығымен бекітілген «Білім беру ұйымдарында қамқоршылық кеңестің жұмысын ұйымдастыру және сайлау тәртібінің үлгілік қағидаларына» сәйкес жүргізілетінін айтып өтті. Балабақшадағы құрылып отырған Қамқоршылық кеңесінің мүшелігіне әрбір параллель топтан бір ата-ана, жергілікті атқарушы органдардың, құқық қорғау органдарының өкілінен, учаскелік инспектор, әлеуметтік әріптестер өкілдерінен барлығы тоғыз адам келісім беріп отырғанын айтты. Жоғарыда атап өткен үлгілік қағидаға сәйкес Қамқоршылық кеңестің өкілеттігімен балабақша әдіскері Д.Омиралиева таныстырып өтті.

Екінші мәселе бойынша, Қамқоршылық кеңесінің мүшелері арасынан төраға сайлану қажеттігі айтылды. Қамқоршылық кеңесінің мүшелері өзара пікірлесе келіп, Қамқоршылық кеңесінің төрағалығына Усеб Рысбек атаны ұсынды. Қамқоршылық кеңесінің хатшысы болып балабақша әдіскері Д.Омиралиева тағайындалды.

Үшінші мәселе бойынша Қамқоршылық кеңесінің жұмыс жоспары талқыланды. Меңгеруші Р.Қаламбаева қамқоршылық кеңесінің жұмыс жоспарына балабақшадағы мемлекеттік қызмет көрсетуді (балаларды балабақшаға қабылдау), тамақтануды ұйымдастыру, балабақшадағы білім беру қызметінің сапасы сияқты мәселелерді қоюға болатыны жайлы ұсыныс айтты.

Қамқоршылық кеңес мүшелері жұмыс жоспарының жобасын талқылап, өз ойларын ортаға салды. 2021 жылдың маусым айынан 2022 жылдың мамыр айына дейін бес отырыс өткізіледі деп шешті. Келесі отырыста балабақшадағы мемлекеттік қызмет көрсетуді, 2021-2022 оқу жылына арналған балабақшаның жұмыс жоспарымен, қойылатын мақсат, міндеттерімен танысу мәселелері қаралатын болса, одан кейінгі отырыстарда тамақтануды ұйымдастыруды бақылау, балабақшада жүргізілетін наукастанудың алдын алу және сауықтыру шаралары бойынша жұмыстармен танысу, бала құқығының қорғалу жағдайы бойынша атқарылып жатқан жұмыстармен танысу,

түзете-дамыту жұмыстарының барысы, жазғы сауықтыру мезгіліндегі шынықтыру шараларымен танысу, жазғы сауықтыру мезгіліндегі іс шараларды бірлесе өткізуді жоспарлау, қамқоршылық кеңесінің атқарған жұмыстары жайлы есеп беру сияқты мәселелер қарастырылатын болды.

Қамқоршылық кеңесінің мүшелері осы мәселелер бойынша жұмыс жоспарының бекітілуіне келісті.

Күн тәртібіндегі мәселелер талқыланып, төмендегідей шешім қабылданды:

Қамқоршылық кеңес мүшелері төмендегі құрамда бекітілсін:

1. Усеб Рысбек - қамқоршылық кеңес төрағасы, зейнеткер
2. Щербакова Мейрамкул - қамқоршылық кеңес мүшесі, зейнеткер
3. Бекенов Бауыржан - қамқоршылық кеңес мүшесі, жеке кәсіпкер
4. Тамабаева Хатира - қамқоршылық кеңес мүшесі, зейнеткер
5. Байболатова Бақтыгул - қамқоршылық кеңес мүшесі, әлеуметтік қызметкер
6. Алибаев Нурмахан - қамқоршылық кеңес мүшесі, жеке кәсіпкер
7. Қаратаев Ернар - қамқоршылық кеңес мүшесі, Алтынтөбе ауылы әкімі аппаратының заңгері
8. Бөлекбаев Бауыржан - қамқоршылық кеңес мүшесі, жеке кәсіпкер
9. Шырынова Несіпкүл - қамқоршылық кеңес мүшесі, зейнеткер

1. Қамқоршылық кеңесі мүшелерінің ұсынысы бойынша төраға болып

Усеб Рысбек сайлансын.

2. Қамқоршылық кеңесінің жұмыс жоспары бекітіліп, жоспарға сәйкес жұмыстар жүргізілсін.

Қамқоршылық кеңес төрағасы:

Усеб Рысбек

Хатшы:

Д.Омиралиева



**«Алтын сақа» бөбекжай балабақшасы МКҚК қамқоршылық кеңесі отырысының
№ 2 хаттамасы**

Өткізілген күні: 26.08.2021 жыл

Қатысқандар: Балабақша меңгерушісі, балабақша әдіскері, қамқоршылық кеңесінің мүшелері: Тамабаева Х, Шербакова М, Усеб Р, Бекенов Б, Байболатова Б, Алибаев Н, Қаратаев Е, Бөлекбаев Б, Шырынова Н.

Күн тәртібі:

1. Мектепке дейінгі ұйымдардағы мемлекеттік қызмет көрсету сапасын бақылау (балаларды балабақшаға қабылдау тәртібі)
2. 2021-2022 оқу жылына арналған балабақшаның жұмыс жоспарының жобасымен, қойылатын мақсат, міндеттерімен танысу.

Күн тәртібіндегі бірінші мәселе бойынша балабақша меңгерушісі Р.Қаламбаева балаларды балабақшаға қабылдау тәртібі «Мектепке дейінгі тәрбие мен оқыту саласында жергілікті атқарушы органдар көрсететін мемлекеттік қызметтер стандарттарын бекіту туралы» Қазақстан Республикасы Білім және ғылым Министрінің 2015 жылғы 7 сәуірдегі № 172 бұйрығының 2-қосымшасына сәйкес «Мектепке дейінгі білім беру ұйымдарына құжаттарды қабылдау және балаларды қабылдау» бойынша жүзеге асырылатынын айтты.

Қамқоршылық кеңесінің төрағасы Усеб Р балаларды балабақшаға білім бөлімінен жолдама арқылы жіберу кезінде балабақша әдіскерімен бірге қамқоршылық кеңесінің мүшелері Б.Байболатова, Х.Тамабаева қатысып кезектегі балалардың жіберілуін бақылағанын айтты. Қамқоршылық кеңесінің мүшелері балабақшаға балаларды қабылдау өз заңдылығына сәйкес жүргізілгенін атап өтті.

Екінші мәселе бойынша балабақша меңгерушісі Р.Қаламбаева балабақшаның 2021-2022 оқу жылына арналған жұмыс жоспарының жобасымен, қойылған мақсат, міндеттерімен таныстырып өтті.

Жоғары мұратты мақсат:

Балалардың бойында жас ерекшелігіне және жеке мүмкіндіктеріне сәйкес икем-дағдыларын, білімдерін, рухани-адамгершілік құндылықтарды қалыптастыру, «Мәңгілік ел» ұлттық идеясына сай Отансүйгіштік пен толеранттылыққа, жалпыадамзаттық құндылықтарға тәрбиелеу

Ағымдағы мақсаттар:

- Балабақшадағы балалардың тәжірибелік-зерттеу іс әрекеті арқылы ақыл-ой қызығушылығын дамытуға бағытталған оқыту мен тәрбиелеу үдерісін ұйымдастыру. Құбылыстар мен үдерістерді тікелей бақылай отырып, әр баланың қоршаған ортадағы объектілердің ерекшеліктері мен қасиетін анықтай білу қабілетін ашу мен жетілдіруде оңтайлы жағдай жасау. Балалардың практикалық жұмысты жоспарлап және талдай білу дағдысын қалыптастыру.
- МДҰ тәрбиеленушілерінің театралды іс әрекетінде тұлғаның шығармашылық және эмоционалдық, танымдық дамуымен байланысты мақсаттарды жүзеге

асыру. Балабақшада режимді кезеңдегі және оқу қызметінде театрландыру элементтерін қолдану мен театралды іс әрекетті енгізу әдістері мен ерекшелігін толыққанды және жан-жақты зерттеуді ұйымдастыру. Педагог-психологтың, логопед-мұғалімнің, тіл мамандарының бірлескен театралды үйірме жұмысын ұйымдастыру арқылы түзете-дамыту жұмысын жүргізу.

- Мектепке дейінгі білім беру ұйым жағдайындағы топтардағы өзара қарым-қатынас ерекшелігін зерттеу жұмысын жалғастыру- балалар ұжымының қалыптасу мәселесі, балабақша топтарының сипаттамалары мен ондағы өзара қарым-қатынас, жекелеген балалардың тұлғалық қалыптасуына мектепке дейінгі топтардың әсері.
 - Мектепке дейінгі жастағы балаларды дамыту мен тәрбиелеу, білім беру тәжірибесіндегі жетістіктер мен инновациялық педагогикалық идеяларды насихаттау және мотивациялау жолымен педагог қызметкерлердің кәсібилігін көтеру.
 - Тәрбиеленушілердің отбасымен жұмысты жаңа түрде ұйымдастыруды жалғастыру:
- Барлық жас тобындағы тәрбиеленушілердің ата-аналарымен бірге орындалатын жобалар декадасын өткізу
 - Тәрбиеленушілердің ата-аналарының психологиялық құзіреттілігін көтеру бойынша логопед-мұғалімнің, педагог-психологтың ата-аналар клубындағы іс әрекеті
 - «Менің әлеміме қош келдіңіз!» жобасы аясында ата-ана-ата-ана өзара қарым-қатынасын ұйымдастыру- деп жоғары мұратты және ағымдағы мақсаттарды алып отырғанын көрсетті. Биылғы оқу жылындағы жүргізілетін жұмыстардың басым бағытын ерекше атап өтті.
Қамқоршылық кеңесінің мүшелері жұмыс жоспарының жобасы бойынша пікірлерін білдірді.
Шербакова Мейрамкул: жоспар жобасымен келісемін, өзекті мәселелер қамтылғанын, балалардың жан-жақты дамуы үшін маңызды міндеттер қойылған,- деп өз пікірін білдірді.
Бөлекбаев Бауыржан: жоспар жобасымен келісемін, жоспар жобасында ата-аналармен жұмыстың жаңаша бағыттарын да қарастырған,-деп пікір білдірді.

Күн тәртібіндегі мәселелер талқыланып, төмендегідей шешім қабылданды:

1. Балаларды балабақшаға қабылдау тәртібі белгіленген стандартқа сәйкес жүргізілді деп есептелсін.
2. Балабақшаның 2021-2022 оқу жылына арналған жұмыс жоспарының жобасымен танысып қолдайтындарын білдірді.

Қамқоршылық кеңес төрағасы:

Усөб Рысбек

Хатшы:

Д.Омиралиева



**«Алтын сақа» бөбекжай балабақшасы МКҚК қамқоршылық кеңесі отырысының
№ 3 хаттамасы**

Өткізілген күні: 25.01.2022 жыл

Қатысқандар: Қатысқандар: Балабақша меңгерушісі, балабақша әдіскері, балабақша медбикесі, қамқоршылық кеңесінің мүшелері: Тамабаева Х, Шербакова М, Усеб Р, Бекенов Б, Байболатова Б, Алибаев Н, Қаратаев Е, Бөлекбаев Б, Шырынова Н.

Күн тәртібі:

1. Балабақшада балалардың тамақтануын ұйымдастыру сапасын бақылау.
2. Балабақшада жүргізілетін науқастанудың алдын алу және сауықтыру шаралары бойынша жұмыстармен танысу

Бірінші мәселе бойынша, қамқоршылық кеңесінің мүшелері медбике Құранова Ақмаралмен бірге балабақша асханасына кіріп, азық-түліктің сақталу қоймасын, ондағы азық-түліктің сақталуын қадағалады. Асханадағы ас дайындайтын зоналармен, технологиясымен танысты. Астың дайындалу барысын, дайын астың топтарға таратылуы мен берілуін бақылады. Сол күнгі ас мәзіріне сәйкес дайын астың сапасын көрді. Балабақшаның жазғы, қысқы 10 күндік меню-калькуляциямен танысты.

Күн тәртібіндегі екінші мәселе бойынша балабақша медбикесі Құранова Ақмарал балабақшада науқастанудың алдын алу мен сауықтыру шаралары бойынша жүргізіліп жатқан жұмыстар бойынша презентация көрсетті. Ол ай сайын тәрбиеленушілердің науқастануы бойынша талдау жасалынып отыратынын айтты. Сонымен қатар медико-профилактикалық шаралар атап айтқанда, дәруменді терапия С дәрумені кальциймен, «Пиковит» шәрбәті, көктем-күз айларында берілсе, тәтті бал мен лимон қосындысы, "Изюминка" коктейлі қыс мезгілінде желтоқсан айынан бастап тұмаудың алдын алу үшін күнделікті берілетінін, мұрынға оксолин майының жағылатынын айтып түсіндірді. Сондай-ақ жиі ауыратын балаларға дәрігердің тағайындауы бойынша физиотерапия жүргізілетінін де ескертті. Ата-аналар үшін жадынамалар топтарда ата-аналар бұрышынды ілініп, қажет жағдайда жекелеген балалардың ата-аналарына кеңес, ұсыныстар беру жұмыстары да жүргізіліп отыратынын айтты.

Күн тәртібіндегі мәселелер бойынша қамқоршылық кеңесінің мүшелері өз пікірлерін білдірді:

Тамабаева Хатира: балабақшаның асханасына кіріп бақылау жасау барысында астың өз деңгейінде дайындалатынын, азық-түліктің дұрыс сақталуына мән берілетіні көңілге қонымды. Балабақшаның тамақтану бойынша жұмысына қанағаттанамын, - деді.

Шырынова Несіпкүл: балабақшадағы науқастанудың алдын алу бойынша жүргізілетін жұмыстарының барлығына қанағаттанамын. Әсіресе тәтті бал мен лимон қосындысы қыс мезгіліндегі вирусты аурулардың алдын алуға көмектеседі, - деді.

Күн тәртібіндегі мәселелер талқыланып, шешімдер қабылданды:

1. Балабақшадағы тамақтануды ұйымдастыру жұмыстары өз деңгейінде деп есептелсін;
2. Балабақшада тәрбиеленушілердің наукастануын алдын алу және сауықтыру шаралары жеткілікті ұйымдастырылған деп есептелсін;

рағасы:  Ус
Д

Усеб Рысбек

Хатшы:

Д.Омиралиева

**«Алтын сақа» бөбекжай балабақшасы МКҚК қамқоршылық кеңесі отырысының
№ 4 хаттамасы**

Өткізілген күні: 22.02.2022 жыл

Қатысқандар: Қатысқандар: Балабақша меңгерушісі, балабақша әдіскері, балабақша медбикесі, қамқоршылық кеңесінің мүшелері: Тамабаева Х, Шербакова М, Усеб Р, Бекенов Б, Байболатова Б, Алибаев Н, Қаратаев Е, Бөлекбаев Б, Шырынова Н.

Күн тәртібі:

1. Бала құқығының қорғалу жағдайы бойынша атқарылып жатқан жұмыстарымен танысу

Хабарлама. Омиралиева Д.-әдіскер

2. Балабақшадағы түзете-дамыту жұмыстарының барысымен таныстыру.

Практикум. Құранова А- медбике

Күн тәртібіндегі бірінші мәселе бойынша, балабақша әдіскері Д.Омиралиева бала құқығының қорғалуы бойынша хабарлама жасады. Ол өз хабарламасында 2002 жылы Қазақстанда қабылданған «Бала құқығы туралы» Заңның баптарында көрсетілген бала құқығын қорғау бойынша балабақшада атқарылып жатқан жұмыстарға тоқталды. Баланың денсаулық сақтау құқығы бойынша балабақшада аурудың алдын алу, сауықтыру-шынықтыру жұмыстары, денешынықтыру оқу қызметтері мен іс шаралар жүргізілетінін, сондай-ақ осы шараларды жүзеге асыру үшін қолайлы орта қалыптасқанын айтты. Баланың білім алу құқығы бойынша балабақшада тәрбиелеумен қатар оқыту процесі жүзеге асырылатынын ескертті. Әр жарты жылдық сайын ашық оқу қызметтері ұйымдастырылып, тәрбиешілердің қолданатын технологиясы мен заманауи материалдармен танысуға мүмкіндік болатынын атап өтті. Баланың дем алуға және бос уақытын тиімді пайдалануға құқылы екені Заңның 19-бабында көрсетілгенін айта отырып, балалардың бос уақытында түрлі үйірме жұмыстары мен іс шаралар, жаз мезгілінде сауықтыру шаралары жүргізілетінін атап көрсетті.

Екінші мәселе бойынша, қамқоршылық кеңесінің мүшелері педагог-психолог пен логопед-мұғалімнің кабинетіне барып жұмыстарымен танысты. Педагог-психологтың ұйымдастыруымен құм терапиясы, үстел үстіндегі ойындарды, логопед-мұғалімнің логомассаж, зонд массаж түрлерін көрсетуін тамашалады. Балабақша әдіскері жүргізілетін түзете-дамыту жұмыстары жайлы қосымша ақпарат берді.

Күн тәртібіндегі мәселелер талқыланып, қамқоршылық кеңесінің мүшелері өз ойларын ортаға салды.

Алибаев Нұрмахан.-Қамқоршылық кеңесінің мүшесі:

- Балабақшада бала құқығының қорғалуы бойынша жағдайлар жасалған және жұмыстар да орындалып жатыр. Әр ата-ана баласын үйден де қадағалап жауапкершілігін күшейтсе деген ұсынысым бар.

Усеб Р.-Қамқоршылық кеңесінің төрағасы:

- Балабақшадағы атқарылып жатқан жұмыстарға толық қанықпыз. Алдағы уақытта ұлттық рухани құндылықтарды балалардың бойына кішкентайынан сіңіру үшін арнайы сабақтар, үйірмелер қарастырылса деп ойлаймын.

Шырынова Н.-Қамқоршылық кеңесінің мүшесі:

- Балабақшадағы түзете-дамыту жұмысын көрдік. Жүйелі жүргізілетіні байқалып тұр. Мұндай мамандармен жекеленген жұмыстардың жүргізілуі өте орынды.

Р.Қаламбаева.-меңгеруші:

- Ұсыныстарды қабылдаймыз. Ұлттық рухани құндылықтарды балаларға үйрету бойынша вариативті компонент есебінен қосымша жұмыс жасауды қарастырамыз.

Қамқоршылық кеңесінің отырысын төрағасы Р.Усеб қорытындылады. Ол жалпы балабақшада балалардың құқығын сақтау бойынша жұмыстарға үлкен мән берілетінін, бұл өз кезегінде ата-аналар тарапынан ризашылығын білдіретіндігін айтты.

Күн тәртібіндегі мәселелер талқыланып, шешімдер қабылданды:


1. Балабақшадағы бала құқығын қорғау жұмыстары өз деңгейінде деп есептелсін.
2. Балабақшадағы тәрбиеленушілермен түзете-дамыту жұмыстары жолға қойылған деп есептелсін.

Қамқоршылық кеңес төрағасы:

Усеб Рысбек

Хатшы:

Д.Омиралиева



**«Алтын сақа» бөбекжай балабақшасы МКҚК қамқоршылық кеңесі отырысының
№ 5 хаттамасы**

Өткізілген күні: 26.05.2022 жыл

Қатысқандар: Қатысқандар: Балабақша меңгерушісі, балабақша әдіскері, балабақша медбикесі, қамқоршылық кеңесінің мүшелері: Тамабаева Х, Шербакова М, Усеб Р, Бекенов Б, Байболатова Б, Алибаев Н, Қаратаев Е, Бөлекбаев Б, Шырынова Н.

Күн тәртібі:

1. Жазғы сауықтыру мезгіліндегі шынықтыру шараларымен таныстыру

Құранова А.-медбике

2. Жазғы сауықтыру мезгіліндегі іс шараларды бірлесе өткізуді жоспарлау

Омиралиева Д- әдіскер

3. Қамқоршылық кеңесінің атқарған жұмыстары жайлы есебі

Усеб Р- Қамқоршылық кеңесінің төрағасы

Күн тәртібіндегі бірінші мәселе бойынша, балабақша медбикесі Құранова А жазғы сауықтыру мезгілінде балабақшада жүргізілетін шынықтыру шаралары жайлы хабарлама жасады. Ол өз хабарламасында күнмен, сумен, ауамен шынықтыру түрлерін атап көрсетті. Жазғы уақыт бала ағзасын шынықтыруға қолайлы уақыт екенін атап айтты. Құммен ойын барысында, таза ауадағы серуен кезінде бала ағзасы күнмен шынығатынын, жабық бассейндегі сумен ойындар кезінде, шалпылдатқыш бассейнде сумен шынығу жұмыстары жүргізілетінін, таза ауадағы таңертеңгі жаттығулар, таза ауадағы серуен, қимылды ойындар баланың ауамен шынығуына мүмкіндік беретінін айтты. Шынықтыру шараларын жүргізу әдістемесіне тоқталды.

Екінші мәселе бойынша, балабақша әдіскері Д.Омиралиева «Арман» мәдениет үйімен бірлесе жазғы сауықтыру мезгілінде жүргізілетін іс шаралар жоспарымен таныстырды. Атап айтқанда, балаларға арналған мультфильмдер көрсетілімі, спорттық эстафеталық сайыс, шығармашылық галерея, ертегі қойылымдары, патриоттық әндер байқауы, би фестивалі сияқты шаралар жоспарланғанын атап өтті.

Үшінші мәселе бойынша, Қамқоршылық кеңесінің төрағасы Усеб Рысбек 2021-2022 оқу жылында балабақшадағы қамқоршылық кеңесінің атқарған жұмыстары жайлы есеп берді. Ол өз есеп беруінде аудандық білім бөлімінің 2018 жылғы 8 маусымдағы №205 бұйрығына сәйкес құрылған балабақшаның қамқоршылық кеңесі 9 мүшеден құрылғанын, жұмыс жоспарына сай 5 отырыс жоспарланғанын, барлық отырыстар өз уақытысында өткізілгенін айтты. Қамқоршылық кеңесінің отырыстары хаттамаланып, барлық ұсыныс пікірлер енгізіліп отырғанын атап өтті.

Күн тәртібіндегі мәселелер талқыланып, қамқоршылық кеңесінің мүшелері өз ойларын ортаға салды.

Шербакова М.-Қамқоршылық кеңесінің мүшесі:

- Балабақшада балалардың шынығуына жағдай жасалған. Жыл сайын жазғы сауықтыру жұмысында бассейндегі жұмыстар, құммен ойындар жүргізілетінін көріп жүрміз.

Тамабаева Х.-Қамқоршылық кеңесінің мүшесі:

- Жазғы мезгілде таңертеңгі қабылдаудан бастап таза ауда жүргізіледі. Таңертеңгі жаттығу балабақша ауласында жүргізілетініне балалар үшін де үлкен қуаныш сыйлайтыны көңілге қонымды.


Қамқоршылық кеңесінің отырысын төрағасы Усеб Р қорытындылады. Ол жалпы балабақшада жазғы сауықтыру мезгіліндегі жұмыстарға үлкен мән берілетінін бұл өз кезегінде ата-аналар тарапынан ризашылығын білдіретіндігін айтты.

Күн тәртібіндегі мәселелер талқыланып, шешімдер қабылданды:

1. Жазғы сауықтыру мезгіліндегі шынықтыру шаралары, өткізілетін іс шаралар жоспары өз деңгейінде жоспарланған деп есептелсін.
2. Балабақшада құрылған Қамқоршылық кеңесінің аткарылған жұмыстарының есебін тыңдай келе, қанағаттанарлық деп есептелсін.

Қамқоршылық кеңесінің төрағасы:

Хатшы:



Р.Усеб

Д.Омиралиева

ЕРЕЖЕЛЕРІ

1. Жалпы ережелер

1. Қамқоршылық кеңес қызметінің және оны сайлау тәртібінің үлгілік ережелері (бұдан әрі - Ережелер) "Білім туралы" Қазақстан Республикасы Заңы 44-бабының 9-тармағына сәйкес әзірленген.

2. Білім беру ұйымының қамқоршылық кеңесі (бұдан әрі - Қамқоршылық кеңес) білім беру ұйымын атқаты басқару нысанының бірі болып табылады.

3. Қамқоршылық кеңес өз қызметінде Қазақстан Республикасының заңнамасын, осы Ережелерді, сондай-ақ білім беру ұйымының жарғысын басшылыққа алады.

4. Қамқоршылық кеңес білім беру ұйымының әкімшілігімен, ата-аналар комитетімен, жергілікті атқарушы органдармен, мүдделі ведомстволармен және басқа да ұйымдармен өзара қарым-қатынаста болады.

5. Қамқоршылық кеңес мүшелерінің өз қызметтерін орындауы өтеусіз негізде жүзеге асырылады.

2. Қамқоршылық кеңестің құрамы, құрылымы және қызметі

6. Қамқоршылық кеңес аталған білім беру ұйымының құрылтайшысы және білім алушылардың ата-аналарының бастамасы бойынша жалпы жиыныста құрылуы мүмкін.

7. Қамқоршылық кеңестің құрамы:

- 1) Қамқоршылық кеңес құрылатын білім беру ұйымының басшысы;
- 2) басқа да білім беру ұйымдарының, басқару органдарының өкілдері;
- 3) жұмыс берушілер мен әлеуметтік серіктестер;
- 4) қоғамдық ұйымдардың, қорлардың, қауымдастықтардың өкілдері;
- 5) демеушілер кіруі мүмкін.

8. Қамқоршылық кеңестің құрамы 3 жыл мерзімге сайланады. Қажет болған жағдайда жалпы жиыныстың шешімімен оның құрамына жасалған өзгерістер енгізілуі мүмкін.

9. Қамқоршылық кеңестің отырысында сайланатын оның төрағасы Қамқоршылық кеңестің басшысы болып табылады. Төраға Қамқоршылық кеңестің атынан арнайы өкілеттіліксіз әрекет етеді, оны білім беру ұйымының, мемлекеттік органдар және басқа да тараптар алдында таныстырады. Төраға Қамқоршылық кеңестің жұмысын ұйымдастырады және оның қызметін Қазақстан Республикасының заңнамасына және осы Ережелерге сәйкес қамтамсыз етеді.

10. Қамқоршылық кеңес төрағасының орынбасарын Қамқоршылық кеңес сайлайды.

11. Хатшыны Қамқоршылық кеңес сайлайды және ол Қамқоршылық кеңестің іс-қағаздарын жүргізуге жауап береді.

12. Қамқоршылық кеңестің отырыстары оның жұмыс жоспарына сәйкес, жылына кемінде бір рет өткізіледі. Жоспардан тыс отырыстар қажеттілікке қарай Қамқоршылық кеңес төрағасының шешімімен немесе Қамқоршылық кеңестің төрттен бір мүшелерінің талаптары бойынша өткізіледі.

13. Қамқоршылық кеңес мүшелерінің кемінде 2/3-сі отырысқа қатысса, шешім қабылдауға құқылы. Қамқоршылық кеңестің шешімі ашық дауыс берумен оның қатысып отырған мүшелерінің басым көпшілігінің дауысымен қабылданады.

14. Қамқоршылық кеңес қызметінің мақсаттары:

- 1) білім беру ұйымына оның жарғылық қызметтерін жүзеге асыруға ықпал ету;
- 2) білім беретін оқу бағдарламаларын ойдағыдай іске асыру мақсатында білім беру ұйымының оқушылары мен педагогикалық ұжымы үшін қажетті жағдайлар жасау;
- 3) білім беру ұйымына қаржылық қолдауды, материалдық-техникалық базасын күшейтуді қамтамсыз ету;

4) білім беру ұйымының әрі қарай дамуына ықпал ету болып табылады.

15. Қамқоршылық кеңес қызметінің негізгі бағыттары:

- 1) білім беру ұйымына әлеуметтік-мәдени, сауықтыру және дамыту іс-шараларын өткізуге көмек көрсету;

2) тәрбие мен оқыту саласында халықаралық ынтымақтастықты орнату мен дамытуға ықпал ету;

3) халықтың әлеуметтік осал жіктерінен шыққан білім алушылардың білім алуына, тұрмыс жағдайларын жақсартуына және еңбекпен қамтылуына ықпал ету;

4) білім беру ұйымының қызметіндегі кемшіліктерді жоюға бағытталған ұсыныстар енгізу болып табылады.

3. Қамқоршылық кеңестің қызметін тоқтату

16. Қамқоршылық кеңестің қызметін тоқтату:

1) құрылтайшының бастамасы бойынша;

2) Қамқоршылық кеңестің бастамасы бойынша;

3) білім беру ұйымын таратуға және қайта ұйымдастыруға байланысты жүзеге асырылады.